

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
GRAD BIHAĆ – GRADONAČELNIK

Služba za društvene djelatnosti, mlade i poslove mjesnih zajednica

Broj: 08/1- Sl./25

Bihać, 07.10.2025. godine

PARLAMENT FEDERACIJE
PREDSTAVNIČKI/ZASTUPNIČKI DOM
Predsjedavajući/Predsjedatelj
Hamdije Kreševljakovića br. 3
71000 Sarajevo

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 10-10-2025			
Org. jed.	Broj	Priloga	Vrijednost
05/1	- 02 -	568	25

Predmet: Odgovor na zastupničko pitanje u vezi sa postupanjem JU „Centar za socijalni rad“ Bihać u slučaju Bećirspahić-Midžić Amela – dostavlja se

U vezi sa zastupničkim pitanjem koje se odnosi na slučaj nasilja u porodici i djeteta koje je potencijalna žrtva nasilja, a koje je postavila zastupnica Alma Kratina na 24. sjednici Predstavničkog doma Parlamenta Federacije BiH, obavještavamo vas o sljedećem:

Gradska uprava Bihać je odmah po saznanju za navedeni slučaj postupila u okviru svojih nadležnosti, te putem Službe za društvene djelatnosti, mlade i poslove mjesnih zajednica poduzela sljedeće korake:

Dana 02.09.2025. godine, od JU „Centra za socijalni rad“ traženo je hitno izjašnjenje u vezi sa postupanjem u predmetu Bećirspahić Midžić Amela, s posebnim akcentom na navode o mogućim propustima u radu Centra. Od Centra je zahtijevana pisana informacija o svim okolnostima slučaja, kao i izjašnjenje o postupanju u skladu sa važećim zakonima i zaštitnim mjerama.

Prema informaciji JU “Centar za socijalni rad” Bihać pokrenuti su disciplinski postupci protiv odgovornih uposlenika radi utvrđivanja eventualne odgovornosti,

Dana 04.09.2025. godine, Gradska uprava Bihać je na zahtjev JU „Centar za socijalni rad“ dodatno uputila mišljenje i preporuke JU Centru za socijalni rad Bihać, u vezi sa izvršenjem rješenja kojim se maloljetno dijete Sandi Midžić privremeno povjerava majci Ameli Bećirspahić-Midžić. Posebno je istaknuta potreba da se:

- postupanje provede uz asistenciju policije,
- osigura prisustvo stručnih osoba (psiholog, socijalni radnik),
- vodi računa o najboljem interesu djeteta,
- a u slučaju otpora, postupanje dokumentuje i prijavi nadležnim institucijama.

Gradska uprava je u kontinuitetu pratila ovaj slučaj te je “Centru za socijalni rad” izražena spremnost za institucionalnu podršku, s ciljem zaštite prava i dobrobiti djeteta.

Na osnovu dostavljenih izjašnjenja i raspoloživih informacija, Gradska uprava je u okviru svojih zakonskih ovlaštenja reagovala u cilju osiguravanja zakonitog i profesionalnog postupanja JU Centra za socijalni rad Bihać.

Ukoliko se u budućnosti utvrde novi elementi koji ukazuju na ozbiljne propuste, Gradska uprava Bihać će u okviru svojih ovlaštenja poduzeti dodatne mjere i inicirati reakciju nadležnih institucija.

Grad Bihać u skladu sa pozitivnim zakonskim propisima vrši nadzor zakonitosti rada institucije. Međutim, Grad ne učestvuje u svakodnevnom upravljanju i stručnom odlučivanju Centra u pojedinačnim slučajevima. Ipak, ozbiljnost navoda koji se odnose na zaštitu prava djeteta i žrtve nasilja Grad shvata krajnje ozbiljno i u okviru svojih nadležnosti aktivno prati postupanja u predmetu.

Gradska uprava Bihać je ispitala navode koji su joj bili dostupni i poduzela odgovarajuće radnje u cilju zaštite prava i sigurnosti djeteta. Ostaje otvorena za saradnju sa svim nadležnim institucijama, uključujući i Parlament FBiH, te izražava spremnost da doprinese rješavanju ovog i sličnih slučajeva u najboljem interesu djece i porodica.


Napominjemo da smo povodom postavljenog zastupničkog pitanja zastupnice Alme Kratina ponovo dostavili zahtjev JU "Centru za socijalni rad" Bihać za dostavljanje detaljnog izvještaja u vezi slučaja nasilja u predmetu Amele Bećirspahić Midžić, o čemu ćemo vas naknadno obavijestiti

S poštovanjem,

Prilog:

- 1.(akt broj 08/1- Sl./25 od 02.09.2025.godine),
2. (akt broj 08/1- Sl./25 od 04.09.2025.godine,
3. informaciju JU Centar za socijalni rad Bihać broj 014-31-2080-3-I/25 od 12.09.2025.godine,
- 4.odgovor Institucije ombudsmena/ombudsmana broj: Ž-BL-01-632/25 od 27.08.2025.godine
5. (akt broj 08/1- Sl./25 od 03.10.2025.godine).


Obrađivač akta:

Ediba Velić 

Pomoćnik gradonačelnika za društvene djelatnosti
mlade i poslove mjesnih zajednica,
mr.sci. Alisa Mahmutagić 

Dostaviti:

- 1.Naslovu,
- 2.a/a



Po ovlaštenju gradonačelnika
Sinha Kurbegović 

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
GRAD BIHAĆ
GRADONAČELNIK

02-09-2025

Služba za društvene djelatnosti, mlade i poslove mjesnih zajednica

Broj: 08/1- SL/25

Bihać, 02.09.2025.godine

JU „CENTAR ZA SOCIJALNI RAD“ BIHAĆ

Ulica fra Joze Valentića br. 3 Bihać

PREDMET : Zahtjev za hitno dostavljanje informacije – traži se

Po zakonskoj obavezi praćenja rada JU „Centra za socijalni rad“ Bihać, a u skladu sa nadležnostima ove Službe, tražimo da nam u roku od tri (3) dana od dana prijema ovog zahtjeva dostavite detaljnu i pisanu informaciju o svim okolnostima i postupanju Centra u predmetu koji se odnosi na Bećirspahić Amelu, s posebnim osvrtom da li je u konkretnom slučaju bilo propusta od strane nadležne Službe JU „Centra za socijalni rad“ Bihać.

Prema informacijama dostupnim ovoj Službi, i pored izrečenih zaštitnih mjera, te u prisustvu pripadnika policije, dijete Bećirspahić Amele je navodno nasilno odvedeno iz doma i predato ocu.

U vezi s navedenim, molimo da u okviru tražene informacije eksplicitno odgovorite:

1. Da li je u konkretnom slučaju bilo propusta u radu JU Centra za socijalni rad Bihać?

2. Ukoliko su utvrđeni određeni propusti, koje su konkretne mjere poduzete od strane nadležnih u Centru?

3. Da li su u postupku razmatrani i poštovani svi relevantni pravni akti i zaštitne mjere u cilju zaštite prava i interesa djeteta i majke?

Napominjemo da se radi o slučaju koji je izazvao značajnu pažnju javnosti, te je od izuzetne važnosti da se hitno razjasne sve okolnosti postupanja Centra kako bi se spriječile moguće posljedice po integritet i rad institucija sistema socijalne zaštite.

S poštovanjem,

Obrađivač akta:

Ediba Velić

Dostaviti:

1.Naslovu,

2.a/a



Pomoćnik gradonačelnika za društvene djelatnosti,
mlade i poslove mjesnih zajednica
mr.sc. Alisa Mahmutagić

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
GRAD BIHAĆ
GRADONAČELNIK

Služba za društvene djelatnosti, mlade i poslove mjesnih zajednica

05-09-2025

Broj: 08/1- Sl./25
Bihać, 04.09.2025.godine

JU „CENTAR ZA SOCIJALNI RAD“ BIHAĆ
Ulica fra Joze Valentića br. 3 Bihać

PREDMET: Mišljenje u vezi sa postupanjem po izvršnom rješenju o privremenom povjeravanju malodobnog djeteta u predmetu Midžić Bećirspahić Amela – dostavlja se

Imajući u vidu ulogu Gradske uprave u vršenju nadzora nad zakonitošću rada javnih ustanova čiji je osnivač, te postupajući po vašem dopisu broj: 014-31-2798-3-UP1-I/25-3 koji se odnosi na nemogućnost izvršenja privremenog rješenja kojim se malodobno dijete Sandi Midžić rođeno 07.11.2010.godine privremeno povjerava majci Ameli Bećirspahić- Midžić, obavještavamo vas kako slijedi:

Ukoliko je rješenje Centra pravosnažno i izvršno, te imajući u vidu da otac djeteta Sanel Midžić kod kojeg se dijete nalazi odbijanjem da postupi po rješenju ometa njegovo izvršenje, smatramo da je u skladu sa odredbama Zakona o upravnom postupku FBiH koje se tiču izvršenja nenovčanih obaveza potrebno:

-Da bez odlaganja uputite pisani zahtjev za asistenciju nadležnoj Policijskoj upravi, radi sprovođenja izvršenja uz asistenciju policijskih službenika, u skladu sa zakonskim ovlaštenjima.

-Da se izvršenje obavi uz prisustvo stručnog radnika Centra, te po potrebi i uz prisustvo psihologa, vodeći računa o najboljem interesu malodobnog djeteta.

Ukoliko se i uz asistenciju policije ne može izvršiti rješenje, predlažemo da se evidentira i dokumentuje svaki pokušaj izvršenja i otpor izvršenika, o tome obavijesti nadležno Ministarstvo unutrašnjih poslova, te ako je neophodno, podnese prijedlog nadležnom sudu za preduzimanje mjera u skladu sa Porodičnim zakonom FBiH, uključujući zaštitu prava djeteta.

Gradska uprava će nastaviti pratiti ovaj predmet i pružiti Centru svu potrebnu institucionalnu podršku.

S poštovanjem,

Obradivač akta:

Ediba Velic



omoćnik gradonačelnika za društvene djelatnosti,
mlade i poslove mjesnih zajednica
m. sc. Alisa Mahmutagić

Dostaviti:
1. Naslovu,
3.a/a



Broj: 014-31-2080-3-I/25
Bihać, 12.09.2025. godina

GRADSKI ORGAN UPRAVE GRADA BIHACA			
PRIMLJENO		12-09-2025	
Organizaciona jedinica	Klasifikaciona oznaka	Redni broj	Broj priloga
68/1	41-25		

Grad Bihać
Gradonačelnik

Služba za društvene djelatnosti, mlade i poslove mjesnih zajednica

Predmet: Informacija, dostavlja se,

Veza: Vaš akt broj: 08/1-SI./25 od dana 02.09.2025. godina, -

Poštovani,

Vezani Vašim aktom broj i datum gore navedeni dostavljamo Vam sljedeće informacije a vezano za predmet razvod braka Amela Bećirspahić Midžić i Sanel Midžić.

JU Centar za socijalni rad Bihać je proveo postupak posredovanja prije razvoda braka supružnika Midžić. Na zahtjev Općinskog suda u Bihaću, dostavljene su socijalne anamneze za parnične stranke kao i mišljenje stručnog tima u pogledu elemenata roditeljskog staranja. Općinski sud u Bihaću je donio presudu suda za razvod braka, kao i o elementima roditeljskog staranja nad mlt. djetetom. Međutim, pomenuta presuda nije pravosnažna te je uložena žalba na istu od strane Sanela Midžić.

- JU Centar za socijalni rad Bihać je propustio donijeti privremeno rješenje o povjeri, kontaktima i izdržavanju mlt. djeteta, te je naknadno donešeno dana 26.08.2025. godine.
- JU Centar za socijalni rad Bihać je zbog navedenog propusta pokrenuo disciplinski postupak protiv jedne stručne radnice koja je radila u ovom predmetu. Isti nije okončan, a po okončanju, blagovremeno ćemo Vas obavijestiti.
- Dana 11.08.2025. godine desio se slučaj nasilja u porodici od strane oca Sanela Midžić prema Ameli Bećirspahić Midžić te su na osnovu istog događaja izrečene zaštitne mjere, a između ostalog, i zaštitna mjera „Udaljenje iz stana, kuće ili drugog stambenog prostora.“ Dana 14.08.2025. godine, prilikom izlaska Sanela Midžić iz porodične kuće, a na osnovu navedene zaštitne mjere, mlt. dijete je sa svojim ocem, svojom voljom napustio porodičnu kuću i otišao s njim živjeti kod nane po ocu, o čemu je upoznat i dežurni socijalni radnik JU CSR Bihać. Kako je dežurni socijalni radnik u tom momentu poštovao volju i želju mlt. djeteta da ide sa svojim ocem, a pri tome nije imao privremeno rješenje niti pravosnažnu sudsku odluku samim tim je smatrao da roditelji mlt. djeteta imaju jedna roditeljska prava. Shodno tome je i postupio na način da mlt. dijete ide sa svojim ocem.

Također, protiv iste je pokrenut disciplinski postupak kako bi se utvrdili eventualni propusti. Nadalje, JU Centar za socijalni rad Bihać obratio se i Ministarstvu unutrašnjih poslova USK-a sa dostavljanjem informacija za događaj koji se desio 14.08.2025. godine u porodici Midžić. Međutim, do danas nismo dobili nikakav odgovor.


Sutradan stručni radnici JU Centar za socijalni rad Bihać su izvršili terensku posjetu kod mlt. djeteta i oca Sanela, te obavili razgovor sa mlt. djetetom kao i sa njegovim ocem o čemu je sačinjena službena zabilješka.

JU Centar za socijalni rad Bihać obratio se Instituciji ombudsmena / ombudsmana za ljudska prava BiH u vezi slučaja razvoda braka Amele i Sanela Midžić. U prilogu ovog akta dostavljamo Vam i fotokopiju navedenog.

U posljednje vrijeme JU Centar za socijalni rad Bihać naročito stručni radnici su izloženi raznim medijskim pritiscima i „hajkama“, te s tim u vezi ovaj organ će nastaviti raditi profesionalno i odgovorno, u skladu sa pravilima struke, u skladu sa pozitivnim zakonskim propisima kao i u skladu sa svojim nadležnostima. Napominjemo da JU Centar za socijalni rad Bihać konkretno u ovom predmetu i dalje intenzivno radi na predmetu i zaštiti prava i interesa mlt. djeteta.

Obrađivač akta

Azra Mašić, dipl. soc. radnica



Direktor

Senad Tutić, dipl. kriminalista



Dostavljeno:

- ① Naslovu uz dostavnicu,
2. u spis predmeta i
3. a/a.-

BOSNA I HERCEGOVINA
Institucija ombudsmena/ombudsmana
za ljudska prava
Bosne i Hercegovine



БОСНА И ХЕРЦЕГОВИНА
Институција омбудсмена/омбудсмана
за људска права
Босне и Херцеговине

Broj: Ž-BL-01-632/25

Dana: 27.08.2025. godine

U Predmetu odloženo

KANTONALNO TUŽILAŠTVO UNSKO-SANSKOG KANTONA

n/r glavnog kantonalnog tužioca

Bosanska broj 2

77 000 Bihać

PRIMLJENO	01-09-2025	PROCESIRANO
POSREDOVANJE		POSREDOVANJE

Kod Edine.

MINISTARSTVO UNUTRAŠNJIH POSLOVA UNSKO-SANSKOG KANTONA

n/r ministra

Ulica 502. viteške brdske brigade 2

77 000 Bihać

CENTAR ZA SOCIJALNI RAD BIHAĆ

n/r direktora

Fra Jozе Valentića broj 3

77 000 Bihać

Poštovani,

Institucija ombudsmena za ljudska prava Bosne i Hercegovine zaprimila je zahtjev Centra za socijalni rad Bihać, broj 01-31-1946-1-I/25 od 18.08.2025. godine. Centar od Ombudsmena zahtjeva da ispituju kršenja prava djeteta u javnim istupima organizacije „Glas žene“ iz Bihaća u slučaju Midžić. Pojašnjavaju da je riječ o pravima djeteta - Midžić Sandije (14 godina) i da navedena organizacija javno objavljuje i komentariše slučaj porodičnog nasilja i spora o povjeravanju djeteta u medijskom prostoru. Roditelji djeteta – Midžić Sanel i Midžić Amela su u postupku razvodu braka, donesena je prvostepena presuda kojom je dijete povjereno majci i nezadovoljan odlukom, otac podnosi žalbu. U međuvremenu, majka prijavljuje nasilje, ocu su izrečene zaštitne mjere koje su na snazi. Otac izlazi iz zajedničkog stana, zajedno sa djetetom, koji je pred nadležnim organima unutrašnjih poslova dao izjavu da sa ocem ide dobrovoljno. Centar za socijalni rad konstatuje da u tom momentu nije postojao zakonski/pravni osnov da „*intervenira protiv volje djeteta*“. Prema navodima Centra, organizacija „Glas žene“ objavljuje video materijal u kojem neprimjereno problematizuje kretanje djeteta i iznosi osjetljive i lične podatke koji omogućavaju identifikaciju djeteta i zanemaruju psihološke i emocionalne posljedice po dijete u ovakvim situacijama. Dijete se stavlja u središte medijskog i društvenog pritiska, koje se već i nalazi u teškoj porodičnoj situaciji. Centar smatra da se ovakvim postupanjem krše prava djeteta na privatnost i čine krivično djelo iz člana 219a KZFBiH.

ombudsmenima se postavljaju pitanja:

- „Da li je došlo do povrede prava djeteta zbog objavljivanja video materijala i izjava Organizacija „Glas žene“
- Da li je objavljeni sadržaj u suprotnosti sa zaštitom identiteta i psihološke sigurnosti maloljetnika u skladu sa zakonodavstvom BIH i međunarodnim konvencijama?“

Zahtjeva se od Ombudsmena donošenje preporuka radi dodatnog opreza u situacijama kada se javno iznose osjetljivi podaci o djeci, bez konsultacija sa stručnim službama ili nadležnim institucijama, posebno prema medijima i organizacija civilnog društva.

Kako se navodi tiču prava djeteta, Ombudsmeni su odlučili razmotriti svaku mogućnost djelovanja u skladu sa Zakonom o ombudsmenu za ljudska prava Bosne i Hercegovine i Pravilima postupka Institucije ombudsmena za ljudska prava Bosne i Hercegovine i stoga je predmet registrovan kao žalba u Odjeljenju za praćenje ostvarivanja prava djece pod brojem Ž-BL-01-632/25 i predmetu se pristupilo cijeneći najbolji interes djeteta.

Djeca su najosjetljivija i najranjivija kategorija društva. Za njihov fizički, emotivni, intelektualni, kognitivni, socijalni i svaki drugi vid razvoja porodična sredina je primarna ćelija. Svako dijete treba živjeti u okruženju koje mu pruža podršku za razvoj, zaštitu i brigu. Uloga Ombudsmena za ljudska prava Bosne i Hercegovine u oblasti ostvarivanja prava djeteta je da u što većoj mjeri prati rad nadležnih organa¹, uočava poteškoće i prepreke u zaštiti i ostvarivanju prava djece, ukazuje na njih i poziva na sistemsko rješavanje problema.

Uvažavajući širok mandat i nadležnost, Ombudsmeni prije svega koriste priliku da pohvale rad Centra za socijalni rad Bihać, jer kao nadležni organ starateljstva moraju i trebaju reagovati u ovakvim i sličnim situacijama. Naime, bez obzira na moguće kršenje i ugrožavanje prava djeteta na privatnost, veoma je izvjesno da nastala životna situacija u konkretnom slučaju nije u najboljem interesu djeteta. Prije svega, pravo je djeteta da odrasta uz oba roditelja, odnosno, da ostvaruje kontakt i sa roditeljem sa kojim ne živi i sa njegovom porodicom. Postoje brojni primjeri i situacije kada odnosi koji se mogu okarakterisati kao visokokonfliktni rezultiraju kršenjem i ugrožavanjem prava djeteta, bez obzira na angažman svih nadležnih organa, jer roditeljska komunikacija izostaje. Gotovo je nemoguće da nadležni donesu odluke koje će udovoljiti zahtjevima oba roditelja, upravo zbog nedostatka komunikacije i međusobnog razumijevanja kao korijena problema. Pravo je svakog djeteta da ima srećno i zdravo odrastanje i djetinjstvo, uz aktivno i podjednako učešće oba roditelja. Roditelji moraju preuzeti primarnu odgovornost za njihovo zajedničko maloljetno dijete. Ukoliko izostane ponašanje roditelja u najboljem interesu djeteta, nadležni moraju poduzeti sve neophodne mjere i radnje kako bi dijete zaštitili. Ombudsmeni su svjesni činjenice da ponekad i odluke nadležnih organa ne moraju nužno značiti da će postojeći partnerski (roditeljski) konflikt biti riješen, ali svi nadležni imaju obavezu da postupaju uvijek, bez izuzetka, u najboljem interesu djeteta.

¹ Nadležnih organa na svim nivoima vlasti u Bosni i Hercegovini, a ova činjenica je značajna u konkretnom slučaju, jer

Značajan broj žalbi u Odjeljenju za praćenje ostvarivanja prava djece odnosi se na tzv. visoko konfliktne razvode. Ombudsmeni BiH uočavaju višestruke povrede prava djeteta u postupcima razvoda braka ili prekida vanbračne zajednice, povjeravanja djeteta jednom od roditelja, uređenja vidanja djeteta i roditelja sa kojim ne živi, osiguranja prava djeteta na izdržavanje, na putnu ispravu, na liječenje itd. Brojni problemi sa kojima se susreću roditelji u svojoj komunikaciji odražavaju se neposredno na djecu i ostvarivanje njihovih prava. Konfliktna ponašanja bivših bračnih drugova izazivaju situacije koje dovode dijete u izrazito nepovoljan položaj. Ombudsmeni u svojim predmetima skreću pažnju na obavezu poštovanja pravosnažnih sudskih odluka i na neophodnost uspostavljanja roditeljske komunikacije. Itekako su značajna postupanja centara za socijalni rad koji moraju hitno postupati u zbrinjavanju i zaštiti života i sigurnosti djeteta. Centri za socijalni rad su ključne ustanove u sistemu socijalne brige za djecu i centri moraju poduzimati radnje i mjere kako bi se osiguralo zakonito izvršavanje roditeljskih dužnosti i prava, prvenstveno imajući u vidu najbolji interes djeteta. Često je procjena samih roditelja da samo oni znaju šta je najbolji interes djeteta i insistiraju da se uvažavaju mišljenja i stavovi djece, ali samo jer to njima ide u prilog. Usljed poremećene roditeljske komunikacije i postojanja nerazriješenih partnerskih konflikata i obračuna, roditelji nisu u stanju objektivno sagledati činjenice i prihvatiti savjete i sugestije stručnih lica.

Kada je riječ o pravu djeteta na privatnost, članom 16. *Konvencije o pravima djeteta* svakom djetetu se garantuje pravo na zakonsku zaštitu protiv miješanja u njegovu privatnost, porodicu, dom ili prepisku, kao i zaštitu protiv nezakonitih napada na njegovu čast i ugled. Pravo na zaštitu ličnih podataka jedno je od osnovnih prava svakog čovjeka, pa tako i djeteta, a svrha zaštite ličnih podataka je zaštita privatnog života i ostalih ljudskih prava i osnovnih sloboda u prikupljanju, obradi i korištenju ličnih podataka.

U konkretnom slučaju, Ombudsmeni smatraju da je trenutno u najboljem interesu djeteta da nadležni organ starateljstva upozori roditelje na ponašanje koje može prouzrokovati kršenja prava djeteta na privatnost i da razmotri i poduzimanje drugih zakonskih mjera radi porodično-pravnog sankcionisanja roditelja. Kada je riječ o eventualnoj krivičnoj odgovornosti, takođe, polazeći od najboljeg interesa djeteta, Ombudsmeni organima gonjenja (policiji i tužilaštvu) dostavljaju primjerke zahtjeva Centra za socijalni Bihać broj 01-31-1946-1-I/25 od 18.08.2025. godine na dalje postupanje i razmatranje.

Ombudsmeni su mišljenja da svi nadležni moraju, radi zaštite prava djeteta, poduzeti sve mjere iz svoje nadležnosti, a posebno je značajno da svi nadležni ostvare punu zajedničku saradnju kako bi se postigao krajni cilj – zaštita djeteta. Ombudsmeni očekuju povratne informacije o poduzetim radnjama i o ishodima poduzetih radnji od nadležnih, pismenim putem na adresu Akademika Jovana Surutke broj 13, Banjaluka ili putem elektronske pošte na bl.ombudsmen@ombudsmen.gov.ba u roku od 30 dana od dana prijema ovog akta, kako bi se ustanovile sve značajne činjenice i okolnosti i doprinijelo rješavanju situacije u interesu djeteta.

S poštovanjem,

Po ovlaštenju Ombudsmana
Pomoćnica Ombudsmana:

Aleksandra Marin Diklić

**BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
GRAD BIHAĆ
GRADONAČELNIK**

03-10-2025

5202 - 01 - 80

Služba za društvene djelatnosti, mlade i poslove mjesnih zajednica

Broj: 08/1- Sl./25-3

Bihać, 03.10.2025.godine

JU „CENTAR ZA SOCIJALNI RAD“ BIHAĆ

Ulica fra Jozе Valentića br. 3 Bihać

Predmet: Zahtjev za informaciju o poduzetim radnjama u predmetu - Amela
Bećirspahić Midžić – traži se

U skladu sa nadležnostima Gradske uprave Bihać u vršenju nadzora nad zakonitošću rada javnih ustanova čiji je osnivač, te u vezi sa predmetom privremenog povjeravanja malodobnog djeteta Sandia Midžića (rođ. 07.11.2010. godine) majci Ameli Bećirspahić-Midžić, ovim putem tražimo povratnu informaciju o svim preduzetim radnjama Centra nakon prijema dopisa Gradske uprave broj: 02-40-1107/25 od 04.09.2025. godine.

Podsjećamo da je navedenim dopisom Gradska uprava dostavila mišljenje u vezi sa daljim postupanjem po izvršnom rješenju Centra, uz konkretne preporuke za postupanje, uključujući:

- upućivanje pisanog zahtjeva nadležnoj Policijskoj upravi za asistenciju prilikom sprovođenja izvršenja;
- sprovođenje izvršenja uz prisustvo stručnog radnika Centra i po potrebi psihologa;
- dokumentovanje pokušaja izvršenja i eventualnog otpora izvršenika, te informisanje nadležnog Ministarstva unutrašnjih poslova, kao i podnošenje prijedloga nadležnom sudu za preduzimanje zakonom propisanih mjera.

S obzirom na osjetljivost predmeta i važnost zaštite prava malodobnog djeteta, molimo da nam dostavite detaljnu informaciju o svim do sada poduzetim aktivnostima, kao i planiranim koracima u daljem postupanju po predmetnom rješenju.

S poštovanjem,

Obradivač akta:

Ediba Velic

Pomoćnik gradonačelnika za društvene djelatnosti,


mlade i poslove mjesnih zajednica

mr. sci. Alisa Mahmutagić

Dostaviti:

1. Naslovu,

2. a/a





Broj: Oi-K-BL-895/25

Dana: 13.10.2025. godine

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE

Zastupnički dom Parlamenta Federacije Bosne i Hercegovine

Komisija za jednakopravnost polova Zastupničkog doma

n/r predsjednice Komisije Alme Kratine

Hamdije Kreševljakovića broj 3

Sarajevo

Bosna i Hercegovina
Federacije Bosne i Hercegovine
PARLAMENT FEDERACIJE
SARAJEVO

Primljeno: 11-10-2025			
Org. jed.	Broj	Priloga	Vrijednost
05/1	- 02 -	568	125
01/10			

Poštovana,

Ombudsmeni Bosne i Hercegovine su dana 07.10.2025. godine zaprimili Vašu Inicijativu, kao zastupnice Zastupničkog doma Parlamenta Federacije Bosne i Hercegovine i predsjednice Komisije za jednakopravnost spolova, broj 05/1-02-568/25 od 03.10.2025. godine. Temeljem članka 11. Poslovnika o radu Zastupničkog doma Parlamenta Federacije BiH podnosite inicijativu Ombudsmenima Bosne i Hercegovine da provedu istragu i utvrde činjenice o navodima vezano za ozbiljne propuste subjekata zaštite u slučaju žrtve nasilja Amele Bećirspahić Midžić i njenog djeteta. U obrazloženju Inicijative navodite da je javnost putem medija informirana o štrajku gladu Amele Bećirspahić nakon što nije bilo reakcije nadležnih na nezakonito i neprofesionalno postupanje Centra za socijalni rad Bihać. Kako ste istakli, svjedočimo velikom broju nasilja u porodici u Bosni i Hercegovini u proteklom periodu sa fatalnim posljedicama po žrtve nasilja i stoga je neophodno da se istraže ozbiljni navodi o kršenju ljudskih prava i da se postupi u najboljem interesu majke i djeteta.

Ombudsmeni Bosne i Hercegovine Vas obavještavaju o slijedećim činjenicama:

Institucija ombudsmena za ljudska prava Bosne i Hercegovine zaprimila je žalbu Centra za socijalni rad Bihać dana 18.08.2025. godine. Centar za socijalni rad Bihać od Ombudsmena zahtjeva da se ispituju kršenja prava djeteta u javnim istupima organizacije „Glas žene“ iz Bihaća u slučaju Midžić. Pojašnjavaju da je riječ o pravima djeteta – M.S. (14 godina) i da navedena organizacija javno objavljuje i komentariše slučaj porodičnog nasilja i spor roditelja oko povjeravanja djeteta u medijskom prostoru.

Kako se navodi tiču prava djeteta, Ombudsmeni su odlučili razmotriti svaku mogućnost djelovanja u skladu sa Zakonom o ombudsmenu za ljudska prava Bosne i Hercegovine i Pravilima postupka Institucije ombudsmena za ljudska prava Bosne i Hercegovine i stoga je predmet registrovan kao žalba u Odjeljenju za praćenje ostvarivanja prava djece pod brojem Ž-BL-01-632/25 i predmetu se pristupilo cijeneći najbolji interes djeteta. Ombudsmeni su uputili akt Centru u vidu mišljenja da svi nadležni moraju, radi zaštite prava djeteta, poduzeti sve mjere iz svoje nadležnosti, a posebno je

značajno da svi nadležni ostvare punu zajedničku saradnju kako bi se postigao krajni cilj – a to je zaštita djeteta. Dana 17.09.2025. godine Ombudsmeni zaprimaju pismo djeteta – S.M.. Dijete obavještava Ombudsmene da se njegova prava krše, da je povjeren majci odlukom suda koja još nije pravosnažna, iako je u više navrata jasno izjavio da ne želi živjeti sa majkom, već sa ocem.

Nakon prijema žalbe nadležnog organa starateljstva radi zaštite prava djeteta, M.S., Ombudsmenima se dana 18.09.2025. godine obratio otac djeteta koji takođe traži reakciju Ombudsmena, jer su, kako navodi, zaštitne mjere su izrečene zbog *navodnog* nasilja u trajanju od tri mjeseca (zabrana prilaska djetetu i majci). Nadalje, dana 01.10.2025. godine Ombudsmeni zaprimaju obraćanje i zahtjev za reakciju Udruženje Glas žene Bihać, odnosno majke djeteta, Amele Bećirspahić Midžić. Majka djeteta Amela Bećirspahić štrajkuje glađu, jer institucije sistema štite nasilnika i ona štrajkuje glađu kako bi svoje dijete zaštitila od nasilnika.

Sva obraćanja su registrovana kao posebne žalbe.


Postupajući po zaprimljenim žalbama, Ombudsmeni su zatražili od nadležnih i to Centra za socijalni rad Bihać, Kantonalnog tužilaštva Unsko-sanskog kantona i od Ministarstva unutrašnjih poslova Unsko-sanskog kantona da poduzmu sve neophodne radnje radi zaštite prava i interesa djeteta i da Ombudsmenima dostave povratne informacije o poduzetim radnjama i o ishodima poduzetih radnji od nadležnih. Dakle, sveobuhvatni postupak istraživanja i utvrđivanje svih relevantnih činjenica u toku je po žalbama djeteta, roditelja djeteta, Udruženja Glas žene iz Bihaća i Centra za socijalni rad Bihać. Predstavnici Institucije ombudsmena su u više navrata razgovarali sa direktorom Centra za socijalni rad Bihać i ocem djeteta. Takođe je razgovarano i sa predsjednikom Kantonalnog suda u Novom Travniku i Ombudsmeni doznaju da će uskoro biti odlučeno o izjavljenoj žalbi oca na prvostepenu presudu Općinskog suda u Bihaću.¹


S poštovanjem,

Ombudsmeni Bosne i Hercegovine




Nives Jukić


dr. Nevenko Vranješ


dr. Jasminka Džumhur

¹ Kantonalni sud u Bihaću je tražio da se odredi drugi stvarnonadležni sud za odlučivanje po žalbi od Vrhovnog suda u Federaciji Bosne i Hercegovine